

Ոտքերը երկարորէն քսում է լաթին: Կանգ է առնում ու նորից քսում է: Ձիւնի թէ փողոցի ցեխը կամ փոշին յատակի մաքրութիւնը վերաւորի: Այդ կէտը վերին աստիճանի կարեւոր է. դրա մէջն է երկրի երժշտական զարգացման ամբողջ խորհուրդը: Այո՛, այո՛: Թշնամիները ծիծաղում են. չեն հասկանում... Ի՞նչ բթամբուութիւն:

Մտնում է առաջին դահլիճը: Ամէն ինչ տեղն է: Պատուհանների վրայ կանանց ճառագայթներ են թառել: Յատակը սպաղում է: Պոչաւոր դաշնամուրը, սեւ երեսոսէ դադաղի նրման, լեցրել է սենեակի անկիւնը, ու Մոցարտը սուղել է իր կապոյտ աչքերը խաւար հայելիի մէջ:

Վարիչը նայում է: Ահա, երեք տարուան այս շինարար գործն է, որ պիտի դատեն: Ի՞նչ անբարեխղճութիւն: Թո՛ղ Երեւանում գտնեն ուրիշ մի դահլիճ այսքան մաքուր: Թո՛ղ... Տարօրինակ բան. Մոցարտի աչքերի անբնական այս մեծութիւնը, բիբերի կայծը եւ այդ անկիւնաւոր շուքերը պատերի վրայ... Վարիչի վարի շուքերը դողում է... «Ձղե՛րս», — մըտածում է ու մտնում յաջորդ սենեակը: Պարտաւ: Աթոռը վերցնում է, որ նստի ու, յանկարծ գոյնը նետում է եւ ակննջ դնում:

Մօտակայ սենեակից՝ նրա ննջարանն էր՝ նախ խուլ մի խոպոց ու ապա իւզոտ հազի ցած մի ձայն է լսում: Գալարուած մատերի տակ աթոռը դողդղում է: Ուզում է երկու քայլ առնել՝ ոտքերը գետնին են գամում: Բեթհովէնի կաւէ դիմակը մեռելի գոյն է առնում ու կարծես աչքերը կամաց բացում է: Ծունչը կըտրած, աչքերը յառում է դրան վրայ եւ սպասում: Ոչինչ չի լսում: Աթոռը ձեռքից ազնուկով վայր է ընկնում, աչքերը մթնում են, ծոնկերը ծալում եւ անգլխական կօշիկները երկաթէ գնդերի նման ոտքերից կախ գալիս:

«Տէ՛ր Աստուած»... Յաղթանդամ այս մարդը ահազին ճիգ է անում, վճռական որոշում տալիս, առաջանում, ձեռքը դնում դրան վրայ: Ուզում է բաց անել, չի կարողանում: Նոր ճիգ: Դուռը սառած ձեռքից բռնում է, ժանդոտած երկաթի ձայն հանում ու շարժում: Ամբողջ մարմինը սարսուռ է, թեքում ու իր ծանրութիւնը, մեռած մի բանի նման, զը-

ցում դրան վրայ: Բացուեց: Չարմանալի բան՝ ոչինչ չկայ: Դաշնամուր, աթոռ, սեղան: Կանոնաւոր, երկրաչափական եւ իմաստակ այն ճշտութիւնը, որ վարիչի միջակ մտայնութիւնը սիրում էր: Նայում է, ծիծաղում: Բայց, կամաց կամաց, դէմքի մորթի տակ, ծիծաղի շարժուն դնդերը լարում են, կարծրանում, սառչում: Յետ է քաշում: Աչքերը գլխից դուրս են գալիս, եւ մագերի տակ կաթիլ կաթիլ քրտինք է գոյանում: Յատակի վայլուն հայելիի մէջ կուչ եկած իր ստուերը բախում է մի ուրիշ ստուերի ու կրակին կպած թեւի պէս թպրտում:

Երկայն դեղին մօրուք, կապոյտ աչքեր, սպրդնած դէմք, սլաւոնական նկարչական դըպրոցի մի տեսակ Յիսուս: Սակայն, փոսփորոլ լեցուն բիբեր, արիւնի բարակ երակներով պատուած: Սուր, մարմնի մէջ մխրճուող նայուածք: Անշարժ, խիտ անտառի ճիւղերի միջից երեւոյզ վազրի նայուածքի նման ուղղահայեաց կանան; դժերով

Վարիչը զգում է, որ իր մարմինը անհետանում է: Փետուրի նման մի բան: Եւ ինչպէս պատահում է կեանքի վերջին վայրկեանին, մահի անողոք սպառնալիքի ժամանակ, նրա երեւակայութեան առջեւ, Ղլլարը, Մոսկուան, Թիֆլիսը, եկեղեցական երգեցիկ խմբերը, Չայկովսկին, եւ «Երեւան բաղ եմ արել»ը կոնտրապունկտ են պարում: Նօտատետրերից բոլոր ձայնանշանները աղմուկով վայր են ընկնում, բեմօլները դիեզների հետ ցատկուտում են, մինչ բանալիները ոլորուող օձերի նման կուրծքի վրայ սողում են: Պոչաւոր մի ձայնանիշ, մանդաղի նման հնձում է իր ուղեղը ու ու մերթ ընդ մերթ մէկը սղոցում է մեծ մի ծառ: Ուրիշներ եւս, սղոցում են, սղոցում են: Անտառի հսկայ ծառերը վայր են ընկնում, ճիւղերը փշրում են: Քամիները տերեւների մէջ խաղում են, խարչափում, շաչում:

Ստուերը մեծանում է, աչքերը վառուած ջահերի նման ման են գալիս սենեակի մէջ, կաչում պատերին, արտացոլում դաշնամուրի վրայ, վեր ցատկում, վայր ընկնում ու վարագոյրների հետ տատանում, ծալք ծալք երերում... Ձեռքեր... Հինգ հատ, տասը հատ, քսան հատ... սեղմուած մատերով, ատրճա-